

賜

綺

堂

集

賜綺堂集卷八詩目

荷樵者鋤山蘭數本植之於庭偶成三首

荆門道中二首

觀音洞

龍女祠

題蔣範齋大錫貳尹掃徑圖

回車行

蔣少府衙齋同歐雲屏總戎看牡丹

哭沈姬六首

有序

和崑漁寄懷四首

示高安秀才二首

仙居寺

送人入秦

撲鼠行

范聲山

楷求題潯溪漁唱詩二首

買兵穀

辦軍裝

傀儡

相鳥

課猴

奉酬劉澄齋太守見題拙集原韻二首

偕周蓮浦

開甲

總戎出謁大府宿玉泉山寺

沮江櫂歌十八首

有序

竹兜

別高安十首

丁卯小春重憇笑月庵作二首

翌日夏秀才

長青

叩門投詩疊前韻答之兼示

萬秀才

青選

程秀才

鴻緒

倪秀才

夢麟

二首

題人帶子從戎圖

隨襄南觀察王方山先生查勘漢江水利事宜

同舟賦此

聽琴用李白王昌齡常建韻三首

茅江艤櫂風雪殘年適過客有以玲瓏山館所
藏雪牕畫幀十二幅求詩用筆超妙不署姓名
惟幀尾小印有雪牕二字每幅各有標題多鏤
金錯采之句余則略寫大意漫成絕句十二首
應之

天竹

梅花

山茶

水仙

蠟梅

松枝

柏子

鳳尾蕉

竹根

榆椿

女蘿

仙人掌

賜綺堂集卷八

吳苑 詹應甲 鱗飛

詩

荷樵者鋤山蘭數本植之於庭偶成三首

名花不求友佳士無比隣拙吏居山中澹然忘主賓擔
樵朝入市一藜移好春爲言花滿縣同心惟此人此花
無媚骨焉能閱風塵空山本無營相與嗟勞薪
士不出鄉閭農敢忘稼圃護蘭晚當風種蘭先帶土肯
受苔蘚侵弗許蕭艾伍長茗九穗分低枝駢萼跼偶然
飲廉泉不敢誇香祖病葉莫翦除能禁夜來雨

吾家兩惠連同根正年少一枝萎朝霜一枝特聳妙微
蘭夢有無芳訊幾時到荒園半磴煙花病君難療天涯
人白頭芳草不余好士窮乃出山毋乃樵夫笑

荆門道中二首

羣山萬壑抱城隈鎖鑰關門特地開爭識高安詹令尹
籠頭破繖竹堦來

地控荆襄據上游恰逢陶侃領雄州山靈招我來題壁
故遣蒙泉洗石頭

觀音洞

路到雲根斷龕從樹杪懸潮音深入洞石氣遠浮天佛

壁疑無土僧厨不斷煙我來求法雨一勺飲龍泉

龍女祠

古洞經聲寂靈祠畫像留山花穿石破潭月八窗浮橋
折分三版亭虛借一舟何當新雨後洗耳聽龍湫

題蔣範齋大錫尹掃逕圖

蔣家山色鬱葱葱蔣逕三三竹下通千里鄉關同話雨
一時懷袖願揚風花如絳縣人難老酒飲藍田客不空
我是羊求來策杖可能添寫畫圖中

回車行

山風吹雲雲有聲轆轤倒轉天河傾回車苦與風力爭

十人挽車車不行怒雷一閃出澗底摧裂老樹屠長鯨
打頭雨雹大於石雖有破傘不得撐山腰半空瀉飛瀑
危橋獨木浮青萍我車簸盪勢顛覆行山乃有波濤驚
隔林隱隱見屋角一半前導敲柴荆瓦盆燎衣先乞火
老農餉我茶一罍須臾風止雨轉晴鷓鴣飛向林梢鳴
棠梨吹散半庭雪始知龐老家清明登車出山日云暮
城關下鑰燈來迎

蔣少府衙齋同歐雲屏總戎看牡丹

招攜酒榼過牆來竹下雙扉蔣逕開觴令不須嚴壁壘
花名那肯換樓臺

高安牡丹雖多
惟玉樓春一種

盆山積雨青浮石畫

幃籠煙綠破苔一樣姚黃春色染漫教分別錦千堆

哭沈姬六首 有序

姬小字慧生錢塘人母王媼爲女塾師夢拾
蕙草一莖乃產姬因又以蕙香名之姬從其
母受毛詩頗知字義歸侍於余者十年學爲
韻語迨余官楚中姬冒涉風濤而至爲典箋
記余頗賴焉比來高安以山深縣僻不能與
俱乃留姬於止園之中顧生而善病無日不
與藥裹爲緣竟以十一年三月初十日病卒
卒年三十二歲余悼姬之亡不及見焚詩以

哭之

天然瘦骨女休文愁病三生種與君十載同心逾舊雨
一官攜手累朝雲知書偷試醫方誤對鏡難描畫稿焚
七日好春留不住杜鵑淒切那堪聞

海燕曾栖玳瑁梁西泠橋下近東墻銀屏晝戟通侯館

油幙燒燈倦客裝

余泊游湖上假姬舊宅以居始納之

碑乞孝娥臨好女

學書於曹墨琴夫人經傳寡母禮空王

日誦金剛楞嚴諸佛經頗虔

如何盼到

雙飛鳳依舊秦樓路渺茫

移家好傍水雲居差免江空鶴訊疏夜讀湖樓來滅燭
春游山寺出同車強隨中嬾心常屈敢說新人爪不如

此後官齋塵滿榻更誰爲我理殘書

招魂那肯返陽臺翦紙呼巫蠟炬灰香絮空濛原有影

屢得姬病篤之信夢回恍惚見之妙蓮清淨本無胎不歸金屋能銷劫

姬自言之若降瑤壇漫使才好爲步我比韋即雙鬢白再生

虛負玉簫來縣志載韋皋曾幸遠安

清尊和淚滴重泉料汝蠶絲寸寸纏逆旅棺衾如草舍

空房湯藥典花鈿一枝蘭蕙香先折七字櫻桃識早傳

近詠櫻桃花詩有化爲紅豆愁他日之句錄以示姬竟成語識苦恨藍橋音驛阻平沙

日斷鴈行邊姬好鼓琴去冬送余之官爲譜平沙落鴈

然若有所思今行至鴻橋驛中候姬山問而人琴亦俱亡矣

鍊石難成石本頑道書拋却世緣慳他生休化相思樹

抵死仍埋大別山

瘞姬於固山下

好句零星收片羽

有蕙香樓

詩稿一帙

怨情流露問雙鬟何年爲翦紅心草我葬鄉

園挈汝還

和崑漁寄懷四首

鴈書迢遞問平安料得山城翦燭看跨鶴無緣來擲笛
沐猴未免笑彈冠宦如老女心情淡詩比閒僧戒律寬
回首煙波湖上路枉教拋却釣魚竿

爲報家人夢寐安回文錦字放懷看惜來嬌女難離襖

弟有四女余乞其一以撫之而弟婦顧遲遲未應也

譽到癡兒

弟和余止

中頗譽
小子

蕙帳煙消書帙亂

蕙姬既卒架上殘書誰爲理之

荔裳香滅帶

聞寬

有病

出山那得團團樂空笑鮎魚上竹竿

羣山莽莽到高安百里秋光放眼看張蓋每攜康樂屐
敝裘雅稱晏嬰冠士多習武文難變民漸歸農政尚寬
應憶宵深姜被冷衙參盼上日三竿

就荒三徑膝容安寄語園丁着意看魚鑰豈閒張雀網
蝶巢秋老晒雞冠屋茆易補牽蘿短庭草難芟徙石寬
准擬對床聽夜雨北窗添種幾筠竿

附原作

遠安雖遠可能安百里雄山定飽看顧我難攜靈運

履輪君常整惠文冠
債臺獨上心情減
宦海無邊眼界寬
空有清名傳萬口
煙波深處夢垂竿

示高安秀才二首

俗儒誤講章
俗吏困塵案
所言與所行
精神皆不實
讀書如讀律
有本非侮斷
不學同面牆
違道必越畔
諸生守章句
經史渺河漢
強之始作文
其文多腐爛
修詞不立誠
何以樹骨幹
三復昌黎言
陳言去其半

有士田間來
袖文先嘆息
不憂學術疎
但云饑寒迫
頗聞鄉先生
張大受簡而可
介於石亦嘗困
藿鹽其志不

可易何不汲修綆
乃欲乞餘瀝
官貧不自知
士貧宜自

啾衆鳥中一鳥傾其曹雕籠飾玉瑣架屐何堅牢握粟
與杯水佐以豚醢臊草蟲方鼓翅待飼先嗷嗷時防狸
首撲挂向風檐高有時驗啼聲漸覺兩耳搔謂當善搏
擊亦如人中豪嚮晨手提挈非比鷹離繚賤視凡羽翼
縱之投林舉居然脫羅網逸鬬雲中邀文章現毛羽惜
哉不自韜乃爲皮相者羈繫無所逃

課猴

載廳以車馬樂鷄以鼓鐘本非性所近欲強之使從課
猴亦有法此法誰最工不先斷其尾何以束其躬牛刀
貨馬索坐之塗炭中從茲貼耳伏百技皆精通歛錢朝

人市喜怒探老翁隨身具竿木彈冠興頗濃豕人繞場
走狗盜鑽穴逢金鈴小獵騎倒跨能追風偶然假顰笑
跳躑羅綺叢蒲鞭階下響衙柱啼惺忪撻之必流血長
跽告乃公願公課童僕勿與課猴同

奉酬劉澄齋太守見題拙集原韻二首

蓬萊絕頂拜天恩染翰池頭蘸墨痕不避炎官神澹
定時方酷暑如噓寒士氣溫存揚風出袖勞相賞列宿羅胷
許共捫願借荊州盈尺地敢將聲價託龍門

求詩曾踏軟紅尋翻向空山惠好音貢父文章原父史

真仙蹤跡散仙心

由校官出入館閣者二十年餘始爲郡伯

國殤山鬼殘編

訂時方按查前官造報陣亡鄉勇眷屬塞鴈鄉鱸遠夢沉兼懷李石農廉訪王惕甫典簿
塵土自憐襟袖滿尚勞拂拭到華簪

附原作

介休 劉錫五 澄齋

果然一飯念 君恩檢點巾箱淚有痕君於乾隆中以諸生獻賦

行在拜文綺之賜故以名集 獻賦十年人漸老談經重席氣猶存

拈花旖旎眉能語落紙軒昂手可捫探筆江郎才欲盡那堪布鼓過雷門

元亭幾費夢中尋傾蓋何妨索賞音不盡纏綿名士

意難忘遲暮美人心琴尊旅館晨煙藹鼓角山城夜

氣沉撫卷倍增懷舊感天涯風雨悵朋簪謂惕甫石農諸君子

偕周蓮浦

開甲

總戎出謁大府宿玉泉山寺

人隨山影入禪房
晚飯齋厨暫解裝
鐵塔千雲天有柱
珠泉瀉磈鼎浮香
殘星鼓角軍容整
靜夜鐘魚客夢涼
門外馬蹄偏絡繹
伽裟倒掛笑僧忙

沮江權歌十八首

有序

高安爲古臨沮
百里環山巢沮漳
二水合流入江野
處之民俗尚樸魯
覽其風景作爲權
歌以補邑乘之未備

沮江江水不生潮
船在中流自擺搖

船名擺子

昨夜鳳凰

山下過權歌吹竹入雲霄

雙橋橫跨鏡當中江上花枝照水紅不泊城南泊城北

要他香雨打船篷

北郭外繁花如錦每當煙雨空濛輒往觀之

漁弟漁兄釣具拋得魚沽酒酒盈匏風潭百丈深無底

不放鸕鷀下水貓

土人呼鸕鷀爲水貓潭深有石罅惟蓄以取之則潛魚皆出矣

新城舊鎮接龍灣

所居人昨日移家今日還爲趁洋坪香

市近翠鋤買向夜紅山

山在洋坪有土地祠於二月賽會進香者登山爭買農具

青溪九曲港三叉雷打埕高傍水涯夏販林檎冬販橘

果然山果勝山花

山中產果山雷打埕載至玉陽市之

細雨斜風船棹回滄江一夜起春雷朝來添得桃花漲

好似園中錦浪堆

錦浪園明萬歷中邑人李石帆所建

蠶市家家版屋連
繅車低就樹陰圓
新絲畱與河溶客

不織羅衣換木棉
河溶絹以絲出遠安者爲上

一村鼓響一村鑼
拔草分秧各唱歌
田家兒女於分秧拔草時唱歌以饒

鼓節拋却篝車無用處
山田終比水田多
山農每多於澤農雖產稻

不多而田無曠土

招仙洞口雲糝糊
雲門山人今有無
山中白鹿去不返

苦竹滿溪啼鷓鴣
梁陸法和隱雲門山中

香燈春賽二賢祠
名宦風流倘在茲
錯認韋臬曾綰印

玉簫吹斷不題詩
按唐書無韋臬字遠安事蹟邑志以韋臬人名宦謂曾宰遠不知何所本

也

鳳岫高高鹿苑長采茶還比采桑忙此苑產茶色香味皆遠勝鳳山然不可多得書眉枉勸提筐女不把雙蛾子細量畫眉鳥於穀雨時張網得之

火龍竹馬正喧闐腰鼓聲中看蕪錢怪底山深如太古還將故事賀新年元夕張燈鄉人迎竹馬人城謂之演故事

一翦風香蕙草柔春來羅漢峪中收蕪草出羅漢峪者素心白花惟樵夫能覓此花久矣塵根斷誰付樵夫挂擔頭

洞門深鎖碧窗虛鬼谷先生講易居中有千年白蝙蝠不容人去看奇書鬼谷洞深不可測欲窮其險蝙蝠大如車輪游者束紲歸爲所撲而止

茆坪石管路週遭嶺勢崎嶇入篳槽茆篳石管諸字似山光峭峻

船如天上坐挂帆直下萬山高

船頭船尾拜觀音不獨農夫望澤心山上白雲山下雨

第三潭裏水龍吟

觀音洞在後砦山中有龍潭時作潮音每晴雨兩應

江樹江雲路幾重櫓枝搖夢水溶溶只愁楓落寒塘夜
纜到城西聽打鐘

一葉蓬推面面窗不勞打槳燕飛雙送君能載山頭石
壓倒波濤出大江

沮水由當陽之河溶去江陵漚流入大江

竹斃

山行乘桴泥乘桴古人造車義有在奈何出入擁高軒
不問康莊與險隘百夫牽之不得行如牛服箱重斃耐

前推後挽斲卒多汗臭薰蒸聚蠅螬巡鄉所歷多驛騷
行尸坐肉恬不怪高安百里皆雄山石骨撐天露芒銳
車不方軌馬足僵短筇欲策路云邁伐竹爲竿架作堦
鼎以筭皮支以筭旁周四角如推蓬中虛一腹可納簣
茶筒硯匣位置宜裹饘安用後車載能經烏道披蠶叢
風不懸旌暑張蓋兼程跋涉頓忘疲一肩疾如御風快
登車旣免蝨附邇下車忽喜蟬脫蛻田家兒女拍手迎
拋却犁鋤願負戴爲言官長坐竹堦竹堦可免里夫派
明年更種竹千竿同騎竹馬向官拜

別高安十首

短局易長局入山難出山及瓜勞久待行李笑空還
匏繫有時解琴囊何日閒登車仍借楊花下叩禪關

小住雲房裏何曾賦索居裝輕啗載石門掩謝求書
帶風前竹園分雨後蔬偶然撫長鋏未免出無車

積積三年病

記前官事

臨淵五夜衷居游忘鹿豕得失看羅

蠅袖手驚風鶴回頭印雪鴻河渠重改訂奉檄去匆匆

奉調查辦水利事宜

野處民多樸其言媚亦誠巡鄉無役擾比戶息豪爭
八夜能安枕經年始進城我聞滋感愧未免淚同傾

林壑西南美登臨幾度探看雲眠鹿苑禱雨入龍潭
花

下催驅犢桑陰間浴蠶竹堦空代馬何處更停驂

秀才如好學宵燭助晨燈老眼能觀火虛心就引繩公

堂開講席旅館送賓興欲副青雲志全憑器識增

蔬果山鄉產江關味不殊花紅收圃樹林擒甘脆遠勝吳中菱白

翦汀蘆帶雨櫻桃摘經霜橘柚輸漫言茹葉久卽此勝

尊鱸

吏胥不滿百汝輩亦饑寒刀筆終難舞蒲鞭偶示寬飄

風銷舊檄計日迓新官賞罰從頭筭余懷尚未安

兵民雖雜處子弟半戎行終歲無騷驛平時裕糗糧刀

頭能佩犢車臂不撐螳又別周侯去謂蓮浦總戎勞攀細柳

長

歲旱催科緩時清播政和同心修縣譜側耳聽塗歌鑑

我一盂水輸君千頃波他年紀循績定讓次公多接任者爲

嘯崖黃

明府

丁卯小春重憇笑月庵作二首

冰上猶樓帶郭斜當年題句尚籠紗

余以癸亥十月留憩此庵旬日今四

年矣壁間猶懸舊題小詩一幅閉關不拒人投轄退院寧同吏散衙僧寒

山已徙居別院今小住西堂繙貝葉重窺東閣問梅花

此庵爲兩山住持隔宵赴何一禪心印到湖心月笑我詩成對佛誇

手書楹帖矢防川

壬戌結策竟陵適遭隣邑潰隄晝夜在工堵築因自書楹帖有防川須矢

雪冰心之句今奉大府檄查楚北水
利事宜重過竟陵信前緣皆有一定
往事沉陰閱五年
陸氏莊荒餘廢甃陸羽井已久湮惟水仙祠古掃寒煙
堤西水府廟重新士多聯襪爭攜榼余不善飲客攜酒
蓋王秋防築處也湖遍游蘭若鄰有題襟共換船都與山僧書素壁
挂瓢留結妙因緣

翌日夏秀才長青叩門投詩疊前韻荅之兼示

萬秀才青選程秀才鴻緒倪秀才夢麟二首

酒痕畫塲墨欹斜誰與先生拂絳紗
幽思偶同鐘出寺
微陰差免鼓喧衙停車不爲看楓葉
罷釣還來問藕花

夏生自號藕花居士才盡自憐江令老
尚持禿管博君誇

夢雲妙筆照臨川莫遣新愁負少年夢野高臺仍皓月
寒河故里竟荒煙七言迅似追風驥一第艱於上水船
酈注班書虛考訂翻從翰墨證前緣

附和作

夏長青

石橋霜月影初斜小閣燈明佛帳紗望去遙知閨士
宅到來却作長官衙僧雛笑指壁間句天女如飛空
際花我是侯芭舊門下敢將奇字對人誇

砥柱狂瀾障百川道旁碑版紀當年

壬戌水患得先生力除去官後

里人爲千家已種新堤樹一榻重橫古寺煙政績允
留鳴雁里詩情多在釣魚船竟陵風月長如此好向

湖山結妙緣

萬青選

悠揚旌旆逗風斜
士女環瞻未障紗
爲愛寒山開鶴徑
却依蕭寺遠琴衙
掄才渾是連城玉
問俗依然滿縣花
得識使君真面目
漢廷循吏不須誇

濟世經綸等濟川
此邦尸祝自年年

壬秋治竟力除水患今又勘查

水利題楹好句心盟雪
賜綺雄文紙落烟
才望共推香案吏
清廉爭識鬱林船
佛場只合居生佛
花雨飛空結妙緣

程鴻緒

墨痕瀟灑數行斜
姓字當年翠碧紗
草就鍾王宜作
聖官如屈宋
僅呼衙荻蘆
重泛雙湖月
桃李誰栽一
縣花
記得垂簾琴署日
清貧競向長官誇

况復安瀾滌九川
能除水患轉康年
勒碑力砥三秋

况畫像爭迎萬戶煙

竟陵履道水患先生有任民賴以安去官後邑人尸祝之且勒

石於東西關外迨乙丑年大水踵至胸有河渠勞版漫及城隍獨先生版築處凡如山立
屋手援饑溺上蓮船
韓門衣鉢如相授
一瓣心香悟

夙緣

倪夢麟

西望龍山曲
逕斜
僧樓四面拓
窗紗
飛鳥穿林爲

屋繫馬還悲柳作衙
夢向禪堂叅水月
詩題佛壁散天花
七絃調古知難和
慎莫流傳萬口誇

版築曾聞手障川
塗歌洋溢又三年
官如傳舍留泥雪
民有生祠結篆煙
伐石可能書竹簡
作舟依舊上蘭船
水經注就農桑譜
還與山僧訂後緣

題人帶子從戎圖

陣圖掌上起風雲
天際秦關此地分
虎子能投班氏筆
鵠兒爭識李家軍
一麾出守原生帶
千里驅馳況軼羣
戎欲執鞭磨盾鼻
借君膽氣寫雄文

隨襄南觀察王方山先生查勘漢江水利事宜

同舟賦此

嘉慶丁卯年楚北興水利制府平陽公先後上奏議脩
章三十三恤民爲國計同時兩南臺實綜理其事此
事需賢良周文襄夏端澤萬世瀛江出大儒今之古循吏
休休如有容寡欲無所嗜苦口抗上官甘心禮下士平
徂機淵思於世期有濟側聞憲臣風卅年簡在

帝羅彌萬壽書便放邊筭郡志手自編河渠特餘藝
公昔寄軍政殺人固民氣公昔備荒政活人順民志艱
難始借公公乃任之易水性亦如民得公無不治公於
按部時廉隅先自礪輕裝買小舟供張絕辦置周諮及

輿情然後測地勢疏濬與堤防民命從此寄草率戒偷
工叢生務除弊較量得失間獨斷運精意卽今逼歲除
冰霜歷水次沿江一千里版築聲相繼守令爭前驅役
夫未休慙金錢五十萬賑實殺成例假手雖遠嫌雖遠嫌
要工係奏撥准商捐款五十萬兩飭地方守令勞筋不
領辦以專責成總理與奉委之員均不涉手勞筋不
辭瘁勾股用勞要九章算法細燃犀燭毫芒得吏窮於
技下僚困深山此身同放寬若非羽檄馳那得毛血試
余方離遠安縣事忽奉天府飛檄調查水利情形乃從襄南觀察溯溯漢江之上同官赤緊符
兒聞足職識網羅枋散材未免虛指臂賴公矜寵之長
鳴咄櫪驥拂拭到風塵辟咄許依侍公今七十餘經畫

且忘勸賤子効馳驅
驚鞭敢自棄區區
一寸心願託中
流峙公手廻狂瀾
公腳踏實地祝公
壽百齡如川之方
至

聽琴用李白王昌齡常建韻三首

醉我天上月眠我海上峯
我情爲之移颼颼風入松大
樂在兩間可以調黃鍾
向來塞耳塵洗去知幾重

叢桂秀空山倚蘭薄深露瀟湘葉落時
噲唳飛鴻度

是日

彈三

一彈風滿樓再彈雲滿樹
三彈各悄然微雨霽薄

暮琴客指上移塵客
面相顧推琴請勿彈
妙理幾人悟
爾彈七弦琴我懷千古心
琴心在不言且醉梅花陰

山何高高流水澄以深美人如有贈願報雙南金

茆江艤櫂風雪殘年適過客有以玲瓏山館所
藏雪牕畫幀十二幅求詩用筆超妙不署姓名
惟幀尾小印有雪牕二字每幅各有標題多鏤
金錯采之句余則略寫大意漫成絕句十二首
應之

天竹

珊瑚難拂釣魚竿華實離離到歲寒要與此君爭晚節
飄風不捲報平安

梅花

一枝瘦骨正橫臄鐵絲田聲寒不渡江疑是孤山人夢覺
鶴窺紙帳影成雙

山茶

紅上枝頭雪未消燕支入狼籍到僧寮最憐毳帳金爐畔
要把冬心著色描

水仙

疊石如山玉作盆冰心一翦費溫存風前莫唱迴波曲
誤認秋湘弔蕙蓀

蠟梅

瞿曇伴我宿齋房七老筆題詩寫硬黃吟到素心偏有味

百花開後放寒香

松枝

雷雨空山電倒馳
蒼蚪飛去見之而盤根錯節無人問
只認新霜點髻絲

栢子

含苞早孕棟梁材
不比松脂與竹胎
偏向寒爐煨楮拙
清香誰辨蕪餘灰

鳳尾蕉

矯翼何曾夢綠天
飄搖能避雨聲偏
剝膚抽盡心如繭
畫諾隨人轉自憐

竹根

誰從盤錯訪巖阿壯志凌雲付逝波
氣節豈能埋沒煞著鞭喜看子孫多

榆椿

飛散青蚨不療貧杈桯橫出一枝新
晨星落落如君少留與空桑老結隣

女蘿

不傍喬松手自扶纏綿心跡遠根株
笑他攀附豪門者眼兒飄零大樹無

仙人掌

寒崖揮手隔蓬瀛那得金丹掌上成畢竟求僊輸學佛
向空一指妙香生

賜綺堂集卷九詩目

福田建間雪中督役用東坡湯村開鹽河韻

陳秋士

宋賦

大令再過福田寺二首

自題荷鋤送塾圖

讀制府汪稼門先生湖北水利篇賦五言排律

一百韻

閔生亦莊

新入泮

二首

郡齋小集用錢竹西明府

清暇

辛未新正試筆

韻四首

再答竹西四首

李怡堂郡伯以六草詩見示

王湛斯見訪爲言郎其先公王韞玉先生所遺
老屋爲家祠作詩壯之

竹西書來三疊前韻四首爲言有楚南之行仍
次韻答之

學使鮑覺生先生按部安州道中見貽七律二
首書於摺扇因次韻奉酬

雪朝喜茗香秀才載酒論文

閔生茗香以所作官韻賦乞爲點勘漫成四首
王春堂屯牧埔以所著見雲便覽詩乞題二首

題鍾馗飲醇圖

題桐陰仕女四首

卸蒲陽縣事閔生茗香

新

假舊宅爲行館就余

益勤兼邀姚恕甫明府

觀

小飲雙桂軒中感而

賦此二首

題楊柳桃花畫幀

竹西四疊前韻久而未答余將去蒲陽轉餉入
都而竹西楚南之行亦復中止仍依韻奉酬四
首

將去蒲陽別士民二首

長歌贈別閻茗香

安州郡齋重晤喻誦岩學詩頌爲賦此詩誌別

得少司寇秦小峴先生書賦呈二首

鄂城寓齋喜晤周湘浦大令邵蓮二首

表弟查澄如自粵東寄吾弟崑漁詩中兼懷老

兄賦此答之

余束髮讀書卽好誦昭明文選散塾後燈前枕
上仍手一編至廢寢食今則不復記憶矣夜聽
剪燭偶檢架上殘書中有選詩讀之評以已見

漫成十二首

同方竹僂大令_第過劉蘭若_秀寓齋小集

賜綺堂集卷九

吳苑 詹應甲 鱗飛

詩

福田建開雪中督役用東坡湯村開鹽河韻
當官無官守委吏同客卿本無賈讓策自知非不明鹽
車困驢服水田疲驢耕叱石石不走何年填銅坑冰堅
凍衣履泥爛沾冠纓役夫聲屏息失足如虎驚長鏡貫
鐵索萬牛穿深泓可憐手足僵聊復口舌爭十步九回
顧不忍驅之行吾爲燒濕葦燎衣分杯羹

陳秋士

宋賦

大令再過福田寺二首

停車幾度叩僧寮，爲訪閒雲挂酒瓢。
目下狂名樓百尺，風前鄉夢燭三條。
能砭俗骨同傾耳，不畫時眉尚折腰。
治譜卅年花樣古，借君老筆且偷描。
伐檀雨載真，河干春鍾親採恥。
素餐琴遇改弦揮手易，調客成琴收覆局。
運心難，鐘沉竹院行厨晚，帆卸茆江。
佔棹寒塵土滿身，空自慰昔人未免困鹽官。

自題荷鋤送塾圖

有田不耕有書不讀，舍已而耘人攜兒就村塾。
兒不入塾，耶裙問耶讀書當何如？我聞此言意默默，自笑讀書未得讀書何，必能文章屈宋揚鞭班馬香，不見春

官十一困舉場讀書何必習吏事農桑祇要河渠志不
見白首爲郎尚需次種到門前桃李花生兒偏不辨不
識巡鄉課農農事早家有荒莊不刈草年年荷鋪替人
官身在泥塗易衰老卽今版築風雨中赤手難障波濤
官豈無能吏思亟公傳曰梓人記考工汝旣讀書當博
通此役須汝書生充書生作吏不量方科重如山那得
息悔不還家手把犁秧田水淺風絲絲鞭牛紅折山桃
枝農歌到門春日遲鄰有農師爲塾師課兒只課田家
詩奈何汝宦未成兒廢業形容枯槁心尚熱年垂五十
事事拙鋤頭枉鑄九州鐵

讀制府汪稼門先生湖北水利篇賦五言排律

一百韻

大力能包舉長篇接混茫萬言興水利千里障濶狂禹
昔分荆域公今度楚疆心同江漢濯手畫地天長命作
司空口由大司空節制兩湖來開大府堂民艱先舉目已溺每迴
腸彈指窮原委從頭議濬防廿年何泛泛二水尚湯湯

患涇洲蘆漲災沉隴麥荒窖金遭蟻潰

乾隆五十三年客金洲案破

卒及魚殃頂灌埋夫井屍漂上女牆沿江翻窺宅平地

陂塘詔下長隄築恩頒內庫藏萬城綿玉路一

已泮銀潢

自萬城堤至玉路口舖築後今二十年内水未消

差免吞雲夢何曾

撼岳陽水田仍打漿澤國未條桑可借塗泥土偏多漬

澇鄉犀難分漢渚弩欲借錢唐山勢開耶竹濤聲灑郢

襄鐵關牛脫輻金港馬離縲下邑爲隣壑橫流竟澹觴

三工虛鎖鑰六月護城陞（時據縣印督居民始無虞）奮袂先羣赤焚文叩上蒼身

搖堤脚動目眩浪頭昂終賴肩黎聚方能併力搶城完

資輩固境破愧流亡急拯魚緣木同浮鼉滿航龜觚燒

濕葦屋角散乾糧事後驚初定年來險未忘側聞嗷鴈

澤那得架虹梁田廢民無業官修歲有常泥啣招去燕

牢補待亡羊草率工多減花銷弊易彰驛驛省飽欲飛

派士驅蝗妄擬觀成效空言凜舊章流沙淤血脈靡土

中膏育此年來歲修之病今方矯之川自年年壅波還森森揚若非

山大別宛在水中央經注休浴誤河渠慎考詳腐儒恣

著述病牘起豪強抵掌開三潞甘心沼一廂襄河兩岸民雙請

廢鐵牛此河堤門三潞古河使郭襄二水北河下流七邑

問之是時上書方州依議類事七年之久司民

上書非塞責私議免披猖作

拮千秋業為霖四海望八駟親相度一櫛屏供張公所

國有不廷賦則有臣計賦願民無隱須知

慶通盤均賦則有臣計賦願民無隱須知

楚謨謀達 九間渥邀 溫旨降力矢盡誠將經費維

邦本章程樹吏枋手定章程三條臺司專考覈觀察總勵勦

刑喪兩觀察實總理其事丈尺如懸準夫工且倍價銷鍊窮象罔勾

股析毫芒遠近移灰線勘估時先以天線度地勢新陳判土方加修之工

必除舊上錐刀非逐末鼎之堅其試之竿木亦逢場坑脚音低與河身深淺雨

頭人平中貫以便欲驅丁甲休教役虎狼章程頒發即縣於丁胥屏

尤嚴疏消歸沌河畚築始鍾祥十邑心同華千膝臂

共攘破飛星落石土高一尺即堤挽月如霜潰口處脫築如新月

之形以耳聽雲中杵肩摩陌上簍厄因無當漏沙莫借

籌量表沙之不能受則灌水滲水籌車肩迴瀾端

易絳堂集 卷九 詩 四

橫勾
以木水
之於

就

深休影射量淺要形相源豈探星海流如決雨湘湖涵

諺云漢水一石泥一斗年來淤高多係黃流灌注今大工並舉

奉以

章程
民田
壓折

治水行無事宣風逸不遑收分工妙合

荆南半壁久在永興
是建兩閣以嚴啓閉

雙環鎖一柄

如洞甕身門弱鋤茄茄通水港架石上梯桃結束瓶張口磨治玉

截肪馬牙

名探

寶底鴈翅護道心馬煅煉三和土仙融五

色漿園橋聯壁合啓橫瀉珠心版拓重關鍵釘排百冶

鋼順時資蓄洩到處轉豐穰順心化沮洳壤都爲秔稻吭

堤新栽穉柳屋破補叢篁漸心新畬犢寧求敝笱魴人

煙圍圩堡佔棹出荻蔣漁散心留棄農歸碌碡忙不惟

民業復抑且盜風颺地氣通心出澤天心應雨暘神君千

戶祝生佛萬家禳功德言俱心立河淮海並障公開府海

淮所至被流劫順蓋從來經國野端賴古賢良孫叔敖

不獨江漢謠寧矣西門豹用漳史起視鄴譏西

興楚之承以滌粵婁之野西門豹用漳史起視鄴譏西

不知用然考後漢書安帝元初二年修西門豹所分漳

水爲支渠以溉民田是則君之川漳已先於史起矣

鑿涇須法鄭

白

濟冀必師姜

師度

杜父曾修召

晉書杜預都督荊州

修石信臣水約分疆刻石民世享其利

蘇翁亦慨杭錫圭功久遠窺管見

傍徨羽檄如傳箭毛錐得處囊樗材慚濩落驚策勉騰

驤塵土沾袍袖江河頌芾裳沿堤家畫像夾岸頂焚香

赤手迴銀漢丹心奉

玉皇文驅靈鯁徙詩叶吉鸞鏘公自鳴韶夏誰能和鳳

凰口碑同手筆南國樹甘棠

閔生亦莊

新

入泮二首

一枝玉立尙籠煙新試藍袍正及肩敢向河汾誇弟子

爭看衛玠羨神僊芹宜逗雪三春味籜漸于雲四月天

老樹著花休笑我爲生點筆憶韶年

水驛迢迢送使君爲言相驥已空羣文如蛟蜃圖中錦

賦是桃花洞口雲

生年十四作雲自桃花洞口來賦最爲學使涂公所賞輒車過應猶爲余

言當日四科先舊德他年三策副新聞河陽縣小饒佳

種難得采茗手自分

郡齋小集用錢竹西明府

清履

辛未新正試筆

韻四首

隔年芳訊約良友與春來脫手示新草賞心如早梅松

風清繞屋

竹西有松風老屋詩卷

柏酒灑浮盃且喜銅章鎖郵籤

掣迅雷

好夢春明日華年玉比豐

余始識竹西於京師
關今已二十五年矣

君才還

屈蠖我意愧冥鴻塵海身同寄仙山目已窮自從腰手

版老女守房櫳

黃憲停車地

嘯

王珣謝客時

春堂

種花人侑酒

時

桃李之劇以
種花人監酒

燒燭吏鈔詩

嘯
與竹西於席間各
詞新句付小吏錄之

佳話

傳柑會陳編束筍披未消殘臘雪看到麥苗滋

倚桐張夜讌

飲
何仲軒中

帶草寫春聯官亦新符換

余

已巳杪秋來
倚交替蓋不獨上
游屢易也

人還故事傳

置
童于於兒

行問
故事

青陽頒太守白兆會羣仙

謂
安川

明發

蒲騷去詩成寄蜀牋

附原作

嘉善 錢清履 竹西

五十行年去東風歲又來
階留殘臘雪庭放先春
梅破寂敲棋局銷寒酌酒杯
大聲真醒夢爆竹猛驚雷

願我民安堵豚蹄祝歲豐
年華齒長上馬官跡爪留
鴻芸草能驅蠹柳車不送窮
訟庭清似水淡月照簾櫳

却有清閒趣從容
鑲印時諸生頻問字
小吏亦能詩
吉語新聯換奇文
舊冊披卽看草漸綠
雨露及春滋
爲道辛盤薦良朋
決又聯王郎歌自壯
春詹尹卜曾

傳

湘亭

聲譽推江夏

崖

風騷主謫仙

安州郡伯

速郵先寄語

遲

去

我擘吟牋

去

某郡城作詩會之約

再答竹西四首

人向雁邊去書從馬上來此心虛似竹有骨傲於梅鬚

鬚同看鏡風波不渡杯喧傳衙鼓響十載聽春雷

自辛酉年

來楚聽鼓應官問今已十年矣

名齊唐大歷字做宋元豐哭兀追風驥蒼茫印雪鴻官

卑難矯俗才富易留窮會展摩霄翮翮翔破玉櫳

百里花封近重迎竹馬時

竹

西先權承陽有民譽

琴

緡舊譜鼓瑟和新詩差喜臺叅免

永陽

與應陽同隸

難

拋案牘披頗聞種桃李到處露華滋

做帚千金享長城五字聯

行四方徵余詩合怡堂鄭伯及諸同人近稿彙而梓之為

安州自話

集成希白訂唱出小紅傳雅意書風俗遙情配水

仙

坡用東坡事

回波三疊句試墨寫紅箋

附湘亭見和前詩仍用原韻奉酬四首

嘉善

錢清履

竹西

芳訊隴頭至東風吹送來尙遲青眼柳已見素心梅
皓魄團欒月春光潏灩杯星橋火樹外社鼓響聞雷
共有家山在五湖鰕菜豐泥塗猶困驥烟水欲歸鴻
受福西隣禴工詩東野窮夢遊瓊島上珠玉影窻櫳

十丈軟紅裏相逢憶舊時揮金能結俠畫壁每題詩
鉛麝襟懷浹雲天肝膈披如何同濩落兩鬢雪霜滋
東閣燒燈讌居然鴛鴦聯不知此夕會可許後人傳
我尙吏非俗君眞筆是仙相酬無好句莫漫寫雲牋

李怡堂郡伯以六草詩見示

渤海東來筆一枝飴山之後見公詩杜陵忠孝心如揭
李泌神仙骨本竒蜀道春鶻啼舊夢江樓秋鴈唱新辭
許攜白兆峯頭讀來守安州便是相逢飯顆時

王湛斯見訪爲言廓其先公王韞玉先生所遺
老屋爲家祠作詩壯之

吾家三源詹君家雙溪王兩家世爲婚清門相頡頏

發

人

國朝詹館職者始於吾宗三源詹氏雙溪王姓接通而起

側聞侍御公丰采如鸞

翔文章冠臺閣凜凜生風霜一麾守寧夏所至裁甘棠
監司八州督銀戟總條綱抽簪風雨袖併無石壓裝蓋
頭一把茆亦復戀空桑貽清與後人所業惟青箱年來
甲乙科先後遙相望吾宗漸衰替遷徙之他鄉豈無杞
梓材託根寧久長歲時拜祠屋瞻仰心傍徨烏衣舊門
巷白眉有五常湛斯行五能廓所遺宅於此收宗祊無分南
北阮俎豆同一堂豈惟繼先志蔚起後賢良羣從嘉美
之賦詩聲鏗鏘君停江上船訪我來蒲陽十年重握手

不覺髮已蒼得毋游梁久雪花沾衣裳翻言余未老頭
白能爲郎嗟余入塵海前路何蒼茫原鵠同抱慟杜少陵
有亭爲余妹婿與余仲弟愛初先後物故焚詩奠酒漿歸田但仰屋陸氏餘
荒莊松楸夢中見歎枕淚淋浪張村築丙舍虛願何日
償聞君有此舉愧厲生激昂男兒重根本方能志四方
吾詩壯君行看君乘驪黃

竹西書來三疊前韻四首爲言將有楚南之行

仍次韻答之

花下雙鳬從天邊六鷁來

裴山中丞由粵西移節歸城竹西循例迴避乃有此行

采香移沆芷吹玉送江梅帆轉終悲舵襟分漫畫杯南

軍旗鼓壯誰許敵車雷

宦橐同卮漏詩囊北席豐關心蘇病鶴揮手羨飛鴻我
合藏鳩拙君能憫鼠窮贈言紗護壁珠玉照櫺櫳

千里湖山外登樓後樂時桃花漁父記斑竹女郎詩瑟
到瀟湘聽碑從岳麓披蒼茫懷古意點筆辭苔滋

冠蓋梁園會

竹西先由
豫中來楚

敦槃鄂渚聯三遷腰版倦一樣

口碑傳鸞戀同心友蟬如脫骨僊衡陽逢驛使先寄鴈
頭箋

附

湘亭復寄和前詩因再用前韻奉答時予將有楚
南之行故詩中語及之

嘉善

錢清履

竹

一騎馳書至陽春和又來樣新機上錦格老雪中梅
宦海隨波柁天涯對月盃難忘膠漆契古誼有陳雷
楊柳東風別新詞唱永豐江樓留遂鵲湘浦去雲鴻
萍蹤無定船嗟技已窮不如槃澗客高臥閉房櫳
才大難爲合如君尙待時河渠太史志湖亭曾奉大府檄查楚北
全首水利忠愛拾遺詩清白心曾矢丹黃手更披自憐蓬
顚質欲借露華滋

漢上題襟處心知爾我聯離懷今日始佳話異時傳
未醒邯鄲夢還期勾漏仙暮雲無限思短句寄長箋

學使鮑覺生先生按部安州道中見貽七律二

首書於摺扇因次韻奉酬

網得珊瑚出漢濱，翻憐疲駕逐車塵。
感同髦士伸知己，喜遇名卿譽候人。
三月氣清風出袖，七言格老雅扶輪。
安州佳話流傳遍，不獨香山樂府新。

學使微自太傅詩律爲新樂府九章以勸士士氣爲之一新

別裁偽體洗鉛華，江驛挑燈點墨斜。
妙有仙心澄水月，

肯將凡骨染烟霞。

來詩見題世集有翠綸文綸之句故云

香陰夢澤貽蘭

佩，雨潤河陽種筆花也。擬風檐邀一顧，賈生頭白赴輶車。

附原作

歙縣

鮑桂星

覺生

蘭枻相逢楚水濱
愛君琴鶴出風塵
渴來江漢同舟
侶曾是粉榆共社人
無限好山迎放櫂
有情芳草擁征輪
春風也解乘輶意
吹送衢歌入耳新

吟編脫贈燦瑤華
候館披尋到月斜
獨繭翠綸心杼

軸七襄文綺字雲霞

獨繭 賜綺 片大集名

旗亭韻事聞題壁

彭澤閒情託種花
多恐路旁人欺詫
壓鞍珠玉照歸車

雪朝喜茗香秀才載酒論文

散衙官閣似山村
載到元亭酒滿尊
我愧扶風懸馬帳

君真立雪過程門名場得失看前轍文字因緣證夙根
忘却書帷寒氣襲爐香靜對玉生溫

附和作

應城

閔

新茗香

迎年臘鼓遍江村雪案橫經設酒尊可許巾箱窺杜
庫政云衣鉢出韓門冰襟滌去塵難染玉海探來學
有根且喜明光都映宇辦香一炷卷重溫

閔生茗香以所作官韻賦乞爲點勘漫成四首
少年褰屐總紛紛後進清才獨數君堪笑河陽桃李豔
國香不借蕙蘭熏

我向金門獻賦來賜衣天上五雲裁筆花落盡江淹

老尚畫時眉課秀才

百花生日好春時那有雛鵲出谷遲齊唱香山新樂府

幾人曾解鮑家詩

學使鮑覺生先生製新樂府九章屬士君香以總角諸生一試傾其儕輩

居然有英俊之目

力洗鉛華已卅秋先生少作悔傳留杏花燕子紅箋字

莫寫盧家少婦愁

生作燕啼賦用盧家少婦詩詠江香歸余故規之並畫杏花春燕圖於扇

頌錄此詩以期其遠到

王春堂屯牧塘以所著見雲便覽詩乞題二首

定知卷軸又新增惠我雲箋儼百朋官轍偶同仙負奕

詩龕祇許佛傳燈

春堂為法相學士高弟

書摹義獻鸞雙翥畫指

家山雁一繩

燕辭峯博士爲
畫家庭詠別圖

力埽風華歸至性不教脂

粉染溪藤

果然天壤有王郎驥困鹽車氣自強客館星霜吟寸草

故家喬木戀空桑

卷中有學士四柏歌

短衣說劍澆牛酒滅燭留

賓滅鶴糧天許十年居白兆與君洗眼看山蒼

趙鍾馗飲醇圖

終南有徑不肯走人皆捷足公搖手偶然博帶裁高冠
腹雖有文貌醜醜公先避鬼如貪狼公今逐鬼如癡狗
豈知鬼旣與公讎必欲致公喪所守公不喪守鬼奈何
百計椰掣公用鬼小者故大者新公乃掀髯與鬼培

一夔那得驅群姦胡不埋推自低首菖蒲之花節有九
花時蒸黍炊熟否古書一囊劍一口公不善飲擊銅斗
有時運筆如運帝鬼肝鬼髓都傾剖鬼轉媚公爲公壽
公雖知鬼非吾偶鬼有婦人能勸酒

題桐陰仕女圖首

荒園水石頗蒼涼不上樓臺鬥晚粧遲暮從來天付與
春光休戀戀秋光

碧欄杆外露無聲新試香羅疊雪輕偏傍桐陰偷傾影
嫌他蟾魄太分明

欲持紈扇下瑤階且喜流螢撲入懷昨夜湖山新雨後

苔痕不上牡丹鞋

妙手東陽醺墨妍一痕界破蔚藍天美人不肯全身現
只許菱花照半邊

卸蒲陽縣事閔生哲香

新

假舊宅爲行館就余

益勤兼邀姚恕甫明府

觀

小飲雙桂軒中感

而賦此二首

鶴軒未駕挂帆遲滿酌花前酒莫辭插架書如蘭結佩

當階人是玉交枝

兼謂郭璧坡秀才

生維駒足無虛日我書蟻

眉不入時

余拙於詞章之學與作吏等生每以所製詩古文辭乞爲點定過從殆無虛日何啻之專

也差喜文心叅鼻觀三年講習有宗之

恕甫主講蒲陽閔三年矣

也同巢燕借雕梁隔院新陰綠過牆袖手旁看暮冷暖
案頭分課筆丹青人誇仲叔居安邑我重彭宣拜後堂
此酒願澆庭下樹未秋先染露華香

題楊柳桃花畫幀

不分淡墨與濃煙寫出江南上巳天畫舫絲鞭催別夢
障紗衣錦趁華年醉人朝雨三分酒笑我春風十樣箋
認取朱顏青眼在一般着色看誰先

用和作

閔新

半染朝霞半拂煙墨痕洗出麴塵天長條難縮愁他
日小草同栽憶去年山館折枝留粉本郵亭題壁寄

紅箋衣緋衣綠尋常事一樣春風有後先

竹西四疊前韻久而未答余將去蒲陽轉餉入
都而竹西楚南之行亦復中止仍依韻奉酬

四首

送君翻送我春去又秋來獨客整行李同人吟標梅成
蠅非誤筆化鶴是空杯眼底煙雲幻滄江一枕雷
未許勞筋息還疑倦羽豐鹽車能困驥繪網莫驚鴻暮
覆休爭劫囊空不諱窮愁如蠶繭裹終日掩窓櫺
鷺鷥分泊處鸞鳳換巢時不鼓湘靈瑟仍聯楚客詩羅
帽星斗落觸手雪霜披妙有移琴地江隸芳草滋

雁訊關山阻蟬吟驛館聯夜郎春夢斷

余除沙渠而未赴任

口下

舊聞傳嗟我獨行役羨君如散仙壓裝珠玉重四疊衍波箋

附湘亭書來復以余將之楚南疊韻寄示仍用前韻

奉酬

錢清履

竹西

不盡纏綿意江魚六六來高情比蘇李奇句逞歐梅
南國人千里東風酒一杯大鳴因大叩如蟄起春雷
間道湘中勝汀洲香草豐舊集將去燕遠渚未飛鴻
湖水蒸尤潤衡山望不窮何當飽啖芋古寺白雲櫳
君亦甘居拙修眉不入時刑名黃老學諷諭白公詩

玩月琴幽弄當風襟袂披脩然脫塵俗松栢翠含滋
爲感萍蓬泛難忘却歷聯風情惟我喻綺語有人傳
炙轂談驚客同舟侶附仙鼓聲三已竭息戰奉降箋

將去蒲陽別士民二首

鄙人軍蒲騷春秋用武地豈知屈宋流當年盛文事濃
熏班馬香祖述有所自湖山間氣鍾英才從此寄於今
開講堂絃誦聲相嗣有士賦驪駒長言見其志勉爲松
栢隣弗與妻非比嗟余非吳公未敢薦賈誼終遇九方
歎來相千里驥

在官無所營去官無所戀此心自有真歷久而不變民

乃任其天別時心易見爭先昇我興悲後具公藉以手
揮却之往來如蛭旋始知風俗醇非比情文衍年餘縮
銅墨愧我無寸善民勞恤未能民煥察未徧辦香禮謝
公願告後來彥

長歌留別閔菴香

隔宵強飲離筵酒來朝怕折離亭柳衫痕清淺淚雙行
墨瀟淋漓詩八首詩學先生一派傳蠶絲寸寸意纏綿
白杏桃李迎風早相送驛驛得路先秀才十四猶童子
眼光射人翦秋水讀書背寫六章經作賦手又三大禮
學士衡才比雪清

謂督學鮑公

目爲佳士冠羣英昔將花植

貽潘令故向蒲陽譽閔生豈知玉立風前樹先有琴堂
絳紗護盼上扶搖兩度春枝高始遇鸞鳳傾魚鑰宵沉
鎖鶴籠丹黃親課燭花紅人誇張籍居門下我喜彭宣
閉閣中元亭載酒頻張宴經筵詩囊儘探徧喜汝文心
水石投嗟余宦跡風雲變郵籤催急上星轡驛路三千
轉餉遙已解銅符辭簿領難攜玉筍上雲霄一枝要覓
僧寮寄無奈移家居不易生爲割宅暫停裝紙閣蘆簾
先位置明知分手各天涯此日程門共一家呼僕檢書
休飽蠹課兒弄墨試塗鴉兒嬌不放門生別花底牽衣
情更熱一樣天真戀友朋阿耶觀此愁腸結要寫愁腸

寄漢皋吟成七字響雲璈細書蠅楷留鴻爪長句蟬聯

賦鳳毛扇頭畫到秋山淨

生以秋山極天淨畫扇見貽

相待西風好

持贈似恐征車觸熱行清光一片安排定水宿風餐第

一程可能好夢到春明還將北雁南飛曲付與蟬聲唱

出城城西官舫鳴鉦泊五兩輕帆空載鶴題就紅箋醺

淚花黃灘鳴咽珍珠落此時師友各無言一瓣心香矢

弗諼欲慰春風無限意下帷從此不窺園園林消息憑

誰報苦憶黃塵抗烏帽十萬朱提轉運難銅山銀海何

年到臨岐握手奈愁何此後相思夢更多籠烏有心棲

苑樹池魚無尾接天河河梁落筆驚風雨聽罷長歌氣

如虎我愧牙琴海上移生捺照瑟房中鼓期生於新婚後仍束書載

筆而來前定要與扶風壯舊游

附湘亭夫子解篆蒲陽將轉餉入都賦呈七律八首

送行

閔新香

為宰經綸本性真此心太古政維新稍留餘地平生

志師以稍留餘地名書為朝夕披讀之所多種名花滿縣春手挽長虹

興水利前宰竟陵築堤以禦水患隣邑以之指揮凡馬出風塵雙鳧此

日留難住愁煞元亭散酒人

就論才氣已凌煙也清名萬口鐫束笥卷多胸有

竹粲花語妙舌生蓮能消烈火冰襟矢

庚午十月十日城北大

災帥急禱於神而以衣投之反風撲滅

力洗沉痾月鏡懸此後山城宵

析靜更誰辨騎聽歌絃

城中書聲琅琅師宵分微行聽之

曾將奇字向人誇總角侯生侍絳紗魚鑰漏沉還刻

燭鶴籠香燼自呼茶

余年十四以縣試受知於師而入學師於公餘之日輒招人官

閣中講論詩古文辭每至燭殘香消猶娓娓不倦

坡公笠屐曾題壁陶令簪

輿可當車祇願從游頻負笈星軺無奈去天涯

蕭然宦橐富詩囊暫頓茆齋又束裝未免纏綿留爪

印斷難磨滅是心香頓來芳草貽秋士夢到蠻煙阻

夜郎

新除思施而木赴任

我是手栽春色早向榮依舊傍甘棠

錚錚鐵骨有誰知
偏喜當筵舞柘枝
換工詞曲
楊柳曉風

亭角夢杏華
春雨扇頭詩
師題杏花燕十書局見
七襄文綺針

難度
所著有續堂文集
賜百里河陽鋪
易移料得辦香私淑

久瀕行猶拜謝公祠

朱封墨牒迭如雷
爲報籤程驛吏催
轉粟萬鍾金萬

鎰近天三伏地三台
甫詩保奏
須知廉靜當行

役不遇艱難豈借才
無計攀轅聊慰藉
輿言還我使

君來

十年回首夢長安
每憶青衫席帽寒
樂府新聲唐博

士花封上考漢郎官
雁書關塞雲遮樹
蟬唱郵亭月

掛鞍是處停鞭休覓句離懷難寫墨痕乾

要從根底溯淵源一語臨歧矢弗諼未上河梁先有
淚不如桃李本無言撲簾雨打琴尊杳送棹風生鼓
角墮重過蕭齋塵滿榻下帷溫卷莫窺園

安州郡齋重晤諭誦岩學博炳爲賦此詩誌別

一官未除二十年一卷未鐫三百篇我交誦岩逾九載
廣文先生今鄭虔爲文用世有經濟居官與俗無因緣
竟陵詩派久沿習如蝸鬪角蛭附羶我園作詩用我法
誦岩又號我園長陰不假鍾譚箋昔見君詩走相訪新裁芍藥
迎風妍今見君詩將付鐫後凋松柏凌霜堅君之詩文

雖屢易中有性情不變遷有如此心矢金石豈肯假手

塗雲煙河渠一編尤卓絕考打搜索求其全口陳指畫

上大府謂君有筆能防川制府汪稼門先生識誦岩於
備人廣衆之中機辦溪紅堵

築事宜勉期報
政敏勞人奏輶車所至整士習君言宜飭博士先力

培桃李翦荆棘要集鸞鳳驅鷹鷂子矜踞聽臥碑講大

聲木鐸鳴中天誦岩上書大府謂士不率教由司鐸不
能正已以正之下車之始即宣講臥碑

諸生屏息以聽安州士
氣居然有日新之象矣此才乃爲文學掾迄今頭白困

一羶何況區區本鳩拙服箱當策疲牛牽三千里外羽

書下輪蹄轉餉到口邊紛紛銅墨徧州郡坐擁丹轂如

神仙吾儕平日戎奔走此役未免充郵傳登車不辭腰

脚倦促裝焉用雷霆鞭感君惜別意惘惘老鸞作爾仍
纏綿我歌此詩誰與和郡齋涼雨唫秋蟬

得少司寇秦小峴先生書賦呈二首

翩然一鶴在雲霄轉憶鴻泥逐雪飄金石文章傳永叔

唐虞詩派選咎繇九天恩重抽簪早三月春明放棹

遙

公昔歸屢
奉恩旨

歸到梁溪重結社竹鱸茶熟隔林招

側帽彈箏笑改之

公最賞絃秋詞二
卷有劉改之目

卑栖不似壯游時

倒持手版隨人後新注頭銜怪我遲病腕自書雙鯉寄

公來書云右腕已病不能
然與足下書不假手記室也

鄉心還傍九龍馳

宋無錫
九龍山

下風塵銷盡輪蹄鐵辜負華年早受知

鄂城寓齋喜晤周湘浦大令 邵運二首

竟擬還山賦遂初年來蹤跡滯河渠此官尙且艱難得

吾黨何曾遇合疎

湘浦與余同爲桐城尙書保奏一官未補乞病還山余亦奉差轉餉入

部能無累散之感

未許迷津逢子驥

曾率武陵

尙留真面對匡廬嗟

余不早抽帆去馬鐸郎當困後車

公瑾論交似飲醇碁彈冷局更情親鼓聲江夏三撾絕

詩格潯陽九派新燭下驪龍光吐氣

湘浦出示贈辛侍御七古一章並學

使鮑公手書和作於燭下讀之瑰偉絕特光氣逼人

泥中菡萏淨無塵

湘浦留楚北四年未

鏤銅

伯勞燕子分飛後那得扁舟再結鄰

表弟查澄如自粵東寄吾弟崑漁詩中兼懷老

兄賦此答之

十年萍跡寄羊城詩到滄洲筆不平粗服亂頭真國色

笠檐簑袂舊家聲

查他山學士有笠檐簑袂平生夢之句

手披任昉丹豪

潤

澄如詩中多任夢岩明經評語

眼見盧綸白髮生解得風騷原孝友

天涯兄弟最憐卿

附原作

夢源查江澄如

卻月城東白鶴居誰其居者詹崑漁崑漁與我同鄉
土虹溪溪畔舊田廬邇來旅寓漢陰上牽蘭采杜惜
居諸仙人樓閣磯黃鵠隔江坐對相依於芳洲鸚鵡
名不虛堂堂策策武昌魚龜山豈負神禹書蟬吟鷗

夢館比閭有時自試喻麋墨煙雲滿幅隨卷舒鼠須
之筆蠶繭紙揮豪放厥詞瓊琚送我將登青雀舫多
君贈句能起予君家兄才八斗儲青山詩格美璠璣
幾時于役賦歸與爲言搔首日踟躇十年不見今何
如

余束髮讀書卽好誦昭明文選散塾後燈前枕
上仍手一編至廢寢食今則不復記憶矣夜窗
剪燭偶檢架上殘書中有選詩讀之評以已見
漫成十二首

燦燦深夏雲盈盈初春柳蕭蕭清秋夜離離耿星斗百

感浩茫茫曲曲向誰剖建安不能爲何論黃初後好繼
三百篇其惟十九首

龍門好奇者國士目李陵陵乎爾誠能子長非虛稱奈
何立身敗更復說子卿爾罪通上天武節完堅貞當其
贈別時逸調金石鏗兩人相倡和如鳳雌雄鳴水流無
泥沙焉辨渭與涇吾聞詩立教大義取勸懲讀彼兩人
詩諒哉可以興

東京少歌詞平子推獨步我誦四愁詩高于兩京賦托
興本風騷微婉世不悟榛苓思美人千古有餘慕

建安盛五言鄴下技何廢爾雅歸自然子建爲之長終

是公子態風流慨以慷未及乃翁豪橫槩氣莽莽
建安旣不再竹林發清音洗去塵埃腸悠然莊老心阮
公更跌宕松風飄衣襟

雲間奮二陸駿若渥洼馬同時諸賢豪並出土衡下吾
謂風力勁實亦不如左試觀咏史篇傖父呼詎可

安仁美姿容文亦秀在骨彷彿擲菓時回盼意超忽一
語吾笑卿如卿官非拙令色而巧言詞章固爲末

景純遊仙詩意境自磊磊能于淹洽中古朴露文采旣
疑注爾雅又似箋山海斯人心術端宜其探真宰

晉有陶先生自然乃入妙何曾圖才思亦非矜格調性

情之所流天籟發萬竅篇篇皆國風淡宕含奇峭文選
嗤閒情直可付一笑

謝氏鬱多才名者瞻與眺豔麗世所珍清逸意殊少惠
連何翩翩靈運最矯矯展齒恣冥搜置身峯縹紗青天
明月秋淒水芙蓉曉駢偶能若斯是日出羣鳥

聲調日靡然明達才獨健鷺鳥摩雲霄駿馬逐雷電悲
歌溯越石有氣軼公幹若論七言詩此子開生面
大陸妙擬古文通尤端詳優孟豈不似所恨非衷腸擬
古取大意何必拘詞章所以江左後總難及李唐

同方竹儂大令

策

過劉蘭若

琴

寓齋小集

小飲清談小雪天江城臘鼓正催年方干未肯輕三拜

連日竹價同請

假未赴臺叅

劉龍何曾選一

錢

江夏士民以一錢不選四字頌蘭若可謂

口碑載

鄰有飛鳧來不速舟如退鷁病相憐

余以直言忤某公致

奉轉餉之役

蘭若雖病痊而尚

東坡果欲家陽羨何必

經營負郭田

未赴

部遲滯之由其病相等